



Uummannap talittarfiani aserfallatsaaliuisoqarnissaa ujaqqanillu nunniukkamik malinnut illersuusiortoqarnissaa pillugu FLL 19-imut salliutitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jess Svane, Siumut)
(Siullermeenera)

Nunatsinni aalisarneq inuussutissarsiutini pingaarnersaavoq taamaattumik inuiaqatigiinni pisariaqartippagut umiarsualiviit pitsaasut ingerlalluartullu. Ajoraluartumilli sumiiffinni amerlasuuni umiarsualiviit ullutsinnut naleqqukkunnaarsimapput allilerneqanngikkunillu iluarsaattariaqalersimalluttik

Uummannami umiarsualivik qularnanngitsumik umiarsualivinnut taamaattunut ilaavoq 2015-milu saqqummersinneqarpoq "Kalaallit Nunaanni umiarsualivinnut pilersaarut 2015 - 2025".

Tassani atuarneqarsinnaavoq - soorlu uani siunnersuummi allaaserineqartutut - Uummannami umiarsualivimmik iluarsaassineq sissallu innarlitsaalisaanera akeqassasoq 15-20 millioner koruuninik kiisalu suliniut taanna pingaarnersiukkat allattorsimaffiisa tulliinut inaalinneqarsimasoq. Pilersaarummi aamma innersuussutigineqarpoq sissap innarlitsaalisaanerata malitseqartinneqarnissaa misissuiffiqeqqinneqassasoq.

Tamatuma saniatigut pingaaruteqarpoq eqqaamassallugu aamma pilersaarutitut pingaarnersiuisoqarnikummat 1-mik taaneqartumik. Tassani allaaserineqarput umiarsualiliornissat arlallit eqqarsarnarporlu taakku suliniutit arlaatigut siulliuttariaqarnerat eqqarsaatigineqarsimasoq. Demokraatini taamaattumik Naalackersuisunut uku apeqqtigerusuppagut:

1. Suliniutit qassit pingaarnersiukkani 1-ni allassimasut aallartinneqarnikuuppat imaluunniit aallartinneqartussatut pilersaarutaappat?
2. Pilersaarummi "Kalaallit Nunaanni umiarsualivinnut pilersaarut 2015 - 2025" pingaarnersiuiunerit eqqortutut Naalackersuisunit isigineqarpat aamma tamanna qanoq kinguneqassava Uummannami umiarsualiviup qaqugu anguneqarnissaanut?.

Taakku apeqqtutit pingaaruteqarput paasisaqarluarnissamut uangummi politikerit aalajangiisariaqartaratta inuiaqatigiit ataatsimut isigalugit pitsaanerpaanik tunngaviginagit najukkani ataasiakkaani suut pitsaanerpaatut isigineqarnersut.

Demokraatini isumaqarpugut, pingaaruteqartoq, pineqartut itisilerluarneqarnissaat ataatsimiitaliami



sulineq nangeqqinneqartinnagu, taamaasilluta uangut Inatsisartut siunnersuut
isummerfigisinnaaniassagatsigu naammattunik paasissutissanik tungaveqarluta.

Siunnersuut suliareqqitassanngorlugu Sanaartornermut Ataatsimiititaliamut innersuupparput.